



ИРГЭНИЙ НИСЭХИЙН ЕРӨНХИЙ ГАЗАР  
ИРГЭНИЙ НИСЭХИЙН ҮНДЭСНИЙ ТӨВИЙН  
ДАРГЫН ТУШААЛ

2021 оны 01 сарын 19 өдөр

Дугаар A/06

Улаанбаатар хот

Г Орон нутгийн нисэх буудлуудын  
Аюулгүй ажиллагаа, дотоод хяналтын багийн  
бүрэлдэхүүн болон ажиллах журмыг баталж, ажил  
хавсран гүйцэтгэсний нэмэгдэл хөлс олгох тухай

Төрийн болон орон нутгийн өмчийн тухай хуулийн 20 дугаар зүйлийн 1 дэх хэсгийн 10 дахь заалт, Хөдөлмөрийн аюулгүй байдал, эрүүл ахуйн тухай хуулийн 27 дугаар зүйлийн 27.2 дахь хэсэг, Хөдөлмөрийн тухай хуулийн 50 дугаар зүйлийн 50.2 дахь хэсэг, Хөдөлмөрийн сайдын “Хөдөлмөрийн аюулгүй байдал, эрүүл ахуйн зөвлөл байгуулах, орон тооны ажилтан ажиллуулах норматив батлах” тухай 2015 оны 06 дугаар сарын 22-ны өдрийн А/114 дүгээр тушаалын 1/в, Иргэний нисэхийн ерөнхий газрын “Хөдөлмөрийн дотоод журам”-ын 4.6.6, 4.6.7, 6.2.15, Иргэний нисэхийн ерөнхий газрын даргын 2020 оны 9 дүгээр сарын 24-ний өдрийн А/394, А/460 дугаар тушаал, Иргэний нисэхийн үндэсний төвийн дүрмийн 4.3.2 дахь заалтыг тус тус үндэслэн ТУШААХ нь:

1. “Орон нутгийн нисэх буудлуудын Аюулгүй ажиллагаа, дотоод хяналтын баг”-ийг нэгдүгээр хавсралтаар, “Орон нутгийн нисэх буудлуудын Аюулгүй ажиллагаа, дотоод хяналтын багийн ажиллах журам”-ыг хоёрдугаар хавсралтаар тус тус баталсугай.
2. Энэ тушаалын нэгдүгээр хавсралтаар батлагдсан багийн бүрэлдэхүүнд ажил хавсран гүйцэтгэсний 10 хүртэлх хувийн нэмэгдэл хөлсийг ажлын үр дүнг харгалзан олгохыг Орон нутгийн нисэх буудлын дарга нарт зөвшөөрсүгэй.
3. Ажил хавсран гүйцэтгэсний нэмэгдлийг 2021 оны 02 дугаар сарын 01-ний өдрөөс эхлэн тооцож олгохыг Санхүү, эдийн засаг төлөвлөлтийн газар /Б.Батхишиг/-т, тушаалын хэрэгжилтэд хяналт тавьж ажиллахыг Захиргааны хэлтэс /Ж.Зулцэцэг/-т тус тус үүрэг болгосугай.

ДАРГА

Д.МӨНХЖАРГАЛ



Иргэний нисэхийн үндэсний төвийн даргын  
2020 оны 01. дүгээр сарын 19.-ний өдрийн  
A/06. дүгээр тушаалын нэгдүгээр хавсралт


**ОРОН НУТГИЙН НИСЭХ БУУДЛУУДЫН  
“АЮУЛГҮЙ АЖИЛЛАГАА, ДОТООД ХЯНАЛТЫН БАГ”**

№	Нисэх буудал	Багийн гишүүд	Албан тушаал	Хариуцах ажил
1	2	3	4	5
1	Ховд	Т.Батмягмар	Нислэгийн ахлах удирдагч	Аюулгүй ажиллагаа
		Б.Оюундулам	Бичиг хэрэг, заал зохион байгуулагч	Дотоод хяналт
		Н.Отгонбаяр	Холбооны инженер	Хөдөлмөрийн аюулгүй байдал, эрүүл ахуй
2	Дэглий цагаан	Н.Мөнхзаяа	Нислэгийн удирдагч	Аюулгүй ажиллагаа
		Б.Отгонбат	Холбооны инженер	Дотоод хяналт
		С.Бямбасүрэн	Гэрэл суултын техникч	Хөдөлмөрийн аюулгүй байдал, эрүүл ахуй
3	Өлгий	М.Хуанбек	Цахилгааны техникч	Аюулгүй ажиллагаа
		Ж.Ерханат	Нислэгийн удирдагч	Дотоод хяналт
		Ү.Бейбит	Холбооны инженер	Хөдөлмөрийн аюулгүй байдал, эрүүл ахуй
4	Алтай	Т.Пүрэвсүрэн	Аэродромын техникч	Аюулгүй ажиллагаа
		Б.Нандинцэцэг	Холбооны инженер	Дотоод хяналт
		Х.Батсайхан	Гал сөнөөгч	Хөдөлмөрийн аюулгүй байдал, эрүүл ахуй
5	Доной	П.Мөнхтөр	Онгоцны техникч	Аюулгүй ажиллагаа
		М.Отгонбаяр	Цахилгаан дизелийн техникч	Дотоод хяналт
		Н.Мөнхчимэг	Холбооны техникч	Хөдөлмөрийн аюулгүй байдал, эрүүл ахуй
6	Мөрөн	Д.Мөнхзаяа	Нислэгийн ахлах удирдагч	Аюулгүй ажиллагаа
		Р.Рэгзэнсурмаа	Шатахууны лаборант	Дотоод хяналт
		Д.Отгонбаяр	Сансрын холбооны инженер	Хөдөлмөрийн аюулгүй байдал, эрүүл ахуй

		Д.Мөнгөнцэцэг	Аэродромын техникч	Аюулгүй ажиллагаа
7	Чойбалсан	П.Бямбасүрэн	Чиглүүлэх станцын техникч	Дотоод хяналт
		Ю.Хулан	Холбооны техникч	Хөдөлмөрийн аюулгүй байдал, эрүүл ахуй
		Ц.Батбаяр	Онгоцны техникч	Аюулгүй ажиллагаа
8	Гурван сайхан	Ж.Хатанбаатар	Шатахууны нярав лаборант	Дотоод хяналт
		Ж.Давааням	Холбооны инженер	Хөдөлмөрийн аюулгүй байдал, эрүүл ахуй
9	Баянхонгор	С.Одгэрэл	Шатахууны лаборант, нярав	Аюулгүй ажиллагаа
		Г.Өсөхбаяр	Онгоцны техникч	Дотоод хяналт
		Б.Батхүлэг	Ойрын чиглүүлэх станцын техникч	Хөдөлмөрийн аюулгүй байдал, эрүүл ахуй
10	Өндөр хаан	Р.Батхишиг	Онгоцны техникч	Аюулгүй ажиллагаа
		Э.Машбат	Гэрэл суулт, цахилгааны техникч	Дотоод хяналт
		Г.Энхсүрэн	Холбооны инженер	Хөдөлмөрийн аюулгүй байдал, эрүүл ахуй
11	Арвайхээр	Т.Бат-Эрдэнэ	Нислэгийн удирдагч	Аюулгүй ажиллагаа
		Л.Довчинсүрэн	Шатахууны лаборант	Дотоод хяналт
		Д.Сарантуяа	Холбооны инженер	Хөдөлмөрийн аюулгүй байдал, эрүүл ахуй
12	Мандалговь	С.Цэрэнчунт	Нислэгийн мэдээллийн ажилтан	Аюулгүй ажиллагаа
		Ж.Мөнхтөр	Аэродромын техникч	Дотоод хяналт
		С.Түвшинтөгс	Холбоо чиглүүлэх станцын техникч	Хөдөлмөрийн аюулгүй байдал, эрүүл ахуй
13	Баруун-Урт	Д.Төртогтох	Онгоцны техникч	Аюулгүй ажиллагаа
		Э.Эрдэнэцэцэг	Шатахууны лаборант	Дотоод хяналт
		О.Боролзой	Холбооны техникч	Хөдөлмөрийн аюулгүй байдал, эрүүл ахуй
14	Булган	Ц.Батнасан	Нислэгийн мэдээллийн ажилтан	Аюулгүй ажиллагаа
		П.Бямбасүрэн	Шатахууны нярав лаборант, бичиг хэрэг	Дотоод хяналт

		Б.Дашдэмбэрэл	Холбооны техникч	Хөдөлмөрийн аюулгүй байдал, эрүүл ахуй
15	Тосонцэнгэл	Ц.Батбилэг	Чиглүүлэх станцын техникч	Аюулгүй ажиллагаа
		Т.Даваажаргал	Нислэгийн мэдээллийн ажилтан	Дотоод хяналт
		Ч.Отгонсайхан	Харуул талбайн журам сахиулагч	Хөдөлмөрийн аюулгүй байдал, эрүүл ахуй

-оОо-



Иргэний нисэхийн үндэсний төвийн даргын  
2021 оны 01 дугаар сарын 19-ний өдрийн  
A/06 дугаар тушаалын хоёрдугаар хавсралт

9020051071 1.6577539

## ОРОН НУТГИЙН НИСЭХ БУУДЛУУДЫН АЮУЛГҮЙ АЖИЛЛАГАА, ДОТООД ХЯНАЛТЫН БАГИЙН АЖИЛЛАХ ЖУРАМ

### НЭГ. ЕРӨНХИЙ ЗҮЙЛ

#### 1.1. Зорилго

1.1.1 Энэхүү журмын зорилго нь орон нутгийн нисэх буудлуудад Иргэний нисэхийн тухай хууль, Хөдөлмөрийн аюулгүй байдал, эрүүл ахуйн тухай хууль болон Иргэний нисэхийн багц дүрмийн хүрээнд аюулгүй ажиллагаа, дотоод хяналт, хөдөлмөрийн аюулгүй байдал, эрүүл ахуйг хангулахад оршино.

1.2. Энэ журамд тусгагдаагүй хууль, эрх зүйн баримт бичгээр шаардсан ажлуудыг гүйцэтгэх, шаардлагатай тохиолдолд журам, заавар боловсруулж, нисэх буудлын даргаар батлуулан үйл ажиллагаанд хэрэгжүүлэн ажиллана.

1.3. Энэ журмын хэрэгжилтийг орон нутгийн нисэх буудлуудын Аюулгүй ажиллагаа, дотоод хяналтын баг хангаж ажиллах ба нисэх буудлын дарга үр дүнг дүгнэнэ.

#### 1.4 Эрх зүйн үндэслэл

- Олон улсын иргэний нисэхийн тухай Чикагогийн Конвенцын Хавсралт 17, 19
- Олон улсын иргэний нисэхийн байгууллагаас гаргасан зөвлөмж бичиг "Doc-8973, Doc-9859"
- Зөвлөмжийн цуврал "AC100-1"
- Иргэний нисэх. Ерөнхий нэр томьёо, тодорхойлолт MNS 6406:2013 /Иргэний нисэхийн нэр, томьёоны стандарт
- Осол, зөрчил болон статистик мэдээлэл "ИНД-12"
- ИНД-139 "Аэродромын үйл ажиллагаа, гэрчилгээжүүлэлт"
- ИНД-140 "Нисэхийн аюулгүйн хамгаалалтын үйлчилгээний байгууллагын гэрчилгээжүүлэлт"
- ИНД-100 "Аюулгүй байдлын удирдлагын тогтолцоо"
- Хөдөлмөрийн аюулгүй байдал, эрүүл ахуйн тухай Монгол улсын хууль

#### 1.5. Аюулгүй ажиллагаа, дотоод хяналтын баг

1.5.1. Баг нь 3 хүний бүрэлдэхүүнтэй байх ба Иргэний нисэхийн үндэсний төвийн даргын баталсан тушаалын дагуу дараах ажилтнууд байна. Үүнд:

- 1.5.1.1. Нисэх буудлын Аюулгүй ажиллагаа хариуцсан ажилтан;
- 1.5.1.2. Нисэх буудлын Дотоод хяналт хариуцсан ажилтан;
- 1.5.1.3. Нисэх буудлын Хөдөлмөрийн аюулгүй байдал, эрүүл ахуй /цаашид ХАБЭА гэх/ хариуцсан ажилтан;

1.5.2. Нисэх буудлын дарга нь багийн гишүүдийг холбогдох чиглэлээр нь сургалтад хамруулж мэргэшүүлсэн байна.

2.

1.5.3. Багийн гишүүд нь холбогдох хууль, тогтоомж болон энэ журмын хүрээнд хүлээсэн үүргээ биелүүлээгүй, эсхүл биелүүлээгүйгээс зөрчил, дутагдал гарсан тохиолдолд ажил хавсрان гүйцэтгэсний нэмэгдэл хөлсийг олгохгүй бөгөөд гаргасан зөрчлийн шинж байдал, хор хохирлыг харгалзан Иргэний нисэхийн ерөнхий газрын Хөдөлмөрийн дотоод журмын 3.7-д заасны дагуу сахилгын шийтгэл ногдуулна.

1.5.4. Багийн гишүүд энэ журмын холбогдох бүлгийн заалт бүрийг хариуцаж, харилцан дэмжлэгтэйгээр зохион байгуулж ажиллана. Үүнд:

1.5.4.1. Нисэх буудлын аюулгүй ажиллагаа хариуцсан ажилтан нь энэ журмын 2 дугаар бүлгийн заалт бүрийг;

1.5.4.2. Нисэх буудлын дотоод хяналт хариуцсан ажилтан энэ журмын 3 дугаар бүлгийн заалт бүрийг;

1.5.4.3. Нисэх буудлын Хөдөлмөрийн аюулгүй байдал, эрүүл ахуй хариуцсан ажилтан 4 дүгээр бүлгийн заалт бүрийг тус тус хариуцан гүйцэтгэнэ.

1.5.5. Тухайн багийн гишүүд нисэх буудлын даргатай шууд харьцах бөгөөд чиг үүргийн дагуу тухай бүр ажлын үр дүнг нисэх буудлын даргад танилцуулна.

1.5.6. Багийн гишүүд нь удирдах дээд байгууллага болон хяналт шалгалтын байгууллагаас ирүүлсэн дүгнэлтийн хэрэгжилтийг хангах, хангуулах ажлыг зохион байгуулж, биелэлтийг тухай бүр хүргүүлж ажиллана.

1.5.7. Нисэх буудал Иргэний нисэхийн дүрмийн дагуу гэрчилгээжих, гэрчилгээг сунгуулах ажлыг нисэх буудлын даргын хамт зохион байгуулж ажиллана.

1.6. Нисэх буудлын дарга нь сар бүр багийн гишүүдийн ажлын гүйцэтгэлд үнэлэлт дүгнэлт өгч, Иргэний нисэхийн үндэсний төвийн даргын тушаалаар зөвшөөрөгдсөн үр дүнгийн нэмэгдэл олгох эсэхийг шийдвэрлэнэ.

## ХОЁР. БАГИЙН ГҮЙЦЭТГЭХ АЖИЛ ҮҮРЭГ

2.1. Нисэх буудлын дарга нь Аюулгүй ажиллагааны удирдлагын тогтолцоог бүрдүүлж, хяналт тавьж ажиллах бөгөөд тухайн нисэх буудлын Аюулгүй ажиллагаа, дотоод хяналтын багаар гүйцэтгэлийг хангуулна. Үүнд:

2.1.1. Нисэх буудлын хэмжээнд аюулгүй ажиллагааг хангахад шаардлагатай бодлого, төлөвлөлтийг жил, улирал, сараар гаргаж, нисэх буудлын даргаар батлуулах, хэрэгжүүлэх, хэрэгжилтийг нисэх буудлын даргад тайлагнах;

2.1.2. Нисэхийн аюулгүй ажиллагаанд учрах аюулыг олж тогтоох, холбогдох эрсдэлээс сэргийлэх, үнэлэх, залруулах зорилгоор жилд 2-оос доошгүй удаа хяналт, шалгалтыг гүйцэтгэж, нисэх буудлын даргад танилцуулах;

2.1.3. Аюул, зөрчил болон ослыг дотооддоо мэдээлэх, түүнд дүн шинжилгээ хийх, дахин давтагдахаас урьдчилан сэргийлэх арга хэмжээг төлөвлөн гүйцэтгэх;

2.1.4. Нисэх буудлын Аюулгүй ажиллагаа хариуцсан ажилтан нь дараах сэдвээр жилд 2-оос доошгүй удаа сургалт зохион байгуулсан байна.

2.1.4.1. Аюул, зөрчил болон ослыг дотооддоо мэдээлэх;

3.

2.1.4.2. Ажилтнууд ажлын байран дээр аюулгүй ажиллагааг ханган ажиллах;

2.1.5. Нисэх буудлын Аюулгүй ажиллагаа хариуцсан ажилтан нь Аюулгүй ажиллагааны тогтолцоог бий болгох, хадгалахад шаардлагатай бүх үйл явцыг баримтжуулсан байх үүрэгтэй.

2.2. Нисэх буудлын дарга нь дотоод хяналтын үйл ажиллагааг явуулах боломжийг бүрдүүлэн Аюулгүй ажиллагаа, дотоод хяналтын багаар гүйцэтгэлийг хангуулна. Үүнд:

2.2.1. Нисэх буудлын дотоод хяналтыг гүйцэтгэхэд шаардлагатай бодлого, төлөвлөлтийг жил, улирал, сараар гаргаж нисэх буудлын даргаар батлуулах, хэрэгжүүлэх, хэрэгжилтийг нисэх буудлын даргад танилцуулах;

2.2.2. Нисэх буудалд үүссэн хүндрэлтэй асуудал эсхүл түүний боломжит шалтгааныг тогтоох зорилгоор гэмтэл, зөрчлийн тайлан болон ажилтан, үйлчлүүлэгчийн санал хүсэлтэд хяналт-шинжилгээ хийж нисэх буудлын даргад танилцуулж шийдвэрлүүлэх;

2.2.3. Нисэх буудлын нислэгийн аюулгүй ажиллагаа, аюулгүй байдалд өдөр тутмын хяналт шалгалтыг гүйцэтгэх бөгөөд үүссэн хүндрэлтэй асуудлыг тухай бүр залруулах, залруулах боломжгүй нөхцөл үүссэн тохиолдолд нисэх буудлын даргад тухай бүр мэдэгдэж шийдвэрлүүлэх;

2.2.4. Гарч болох эрсдэлээс урьдчилан сэргийлэх зорилгоор улиралд 1-ээс доошгүй удаа эрсдэлийн судалгаа, үнэлгээг хийж, нисэх буудлын даргад танилцуулан эрсдэлийг арилгах арга хэмжээг авч ажиллах;

2.2.5. Иргэний нисэхийн багц дүрмийн шаардлагын дагуу сорилт, давтан сорилт, хяналт шалгалтыг дүрэмд заасан хугацаанд тухай бүр гүйцэтгэж, баримтжуулан үр дүнг нисэх буудлын даргад танилцуулах, шаардлагатай тохиолдолд Иргэний нисэхийн ерөнхий газрын Нисэхийн аюулгүй ажиллагааны хяналт, зохицуулалтын албанда хүргүүлж ажиллах;

2.2.6. Дотоод хяналт хариуцсан ажилтан нь нийт ажилтнуудад Иргэний нисэхийн тухай хууль, Иргэний нисэхийн багц дүрэм, нисэх буудлын холбогдох баримт бичгийн талаар мэдлэг өгөх зорилгоор ажлын байрны сургалтыг улирал тутамд зохион байгуулж баталгаажуулж ажиллах;

2.2.7. Хяналт шалгалтаар илэрсэн дутагдал, үл тохирол, зөрчлийг арилгуулах шаардлага, дүгнэлтийг тухайн ажилтан, албан тушаалтанд хүргүүлж ажиллах ба хэрэгжилтийг эргэн шалгаж, үр дүнг нисэх буудлын даргад танилцуулах;

2.2.8. Нисэх буудал нь “Чанарын дотоод аудитын хөтөлбөр”-тэй байх бөгөөд тухайн хөтөлбөрт дараах арга, аргачлал тусгагдсан байна. Үүнд:

- Аудит хийгдэх ажиллагааны шинж чанартай уялдуулан аудитын давтамж болон байрлал;
- 
-

4.

- Тухайн аудитыг сургалтад хамрагдсан бөгөөд аудит хийгдэж байгаа ажиллагаанд шууд хариуцлага хүлээдэг этгээдээс хамааралгүй ажилтан хийдэг болохыг бататгах;
- Аудитын үр дүнг, аудит хийгдсэн ажиллагааг хариуцсан ажилтанд болон дотоод аудит хариуцсан менежерт мэдээлдэг болохыг бататгах;
- Хэрэв тухайн аудитаар хүндрэлтэй асуудал илэрсэн бол аудит хийгдсэн ажиллагааг хариуцсан ажилтнаас урьдчилан сэргийлэх, эсхүл залруулах арга хэмжээ авахыг шаарддаг байх;
- Авч хэрэгжүүлсэн залруулах, эсхүл урьдчилан сэргийлэх арга хэмжээний үр дүнд дүгнэлт хийх зорилгоор эргэн шалгах аудит хийдэг болохыг бататгадаг байх.

2.3. Нисэх буудлын дарга нь Хөдөлмөрийн аюулгүй байдлыг хангах, хөдөлмөрийн нөхцөлийг сайжруулах, ХАБЭА-н хууль тогтоомжийг хэрэгжүүлэх, удирдлагын тогтолцоог нэвтрүүлэх, хяналт тавих үүрэг хүлээх бөгөөд тухайн тогтолцоог Аюулгүй ажиллагаа, дотоод хяналтын багаар хангулна. Үүнд:

2.3.1. Нисэх буудлын хөдөлмөрийн аюулгүй байдал, эрүүл ахуйн бодлого, төлөвлөгөөг жил, улирал, сараар гаргаж, үйлдвэрлэлийн үйл ажиллагаа, ажлын байранд өдөр тутмын хяналт тавих замаар хөдөлмөрийн аюулгүй байдал, эрүүл ахуй алдагдахаас урьдчилан сэргийлэх;

2.3.2. Энэ журмын хэрэгжилтийг хангаж ажиллах бөгөөд хууль, тогтоомжийн хүрээнд шаардлагатай журам, заавар боловсруулж нисэх буудлын даргаар батлуулан, хэрэгжүүлэх;

2.3.3. Нисэх буудлын ажилтнууд ажлын байран дээр Хөдөлмөрийн аюулгүй байдал, эрүүл ахуйг хангах заавар, зөвлөмжийг мөрдөн ажиллаж байгаа эсэхэд сард 1-ээс доошгүй удаа Аюулгүй ажиллагаа, дотоод хяналтын баг хяналт шалгалт хийж, нисэх буудлын даргад танилцуулан, илэрсэн дутагдлыг цаг алдалгүй залруулах арга хэмжээг авч ажиллах;

2.3.4. Энэ журмын 2.3.1-т заасан төлөвлөгөөнд хөдөлмөрийн аюулгүй байдал, эрүүл ахуйн сургалтын хэрэгцээ шаардлагыг тодорхойлох, сургалт зохион байгуулах хуваарийг заавал тусгасан байна.

2.3.5. Улиралд 1-ээс доошгүй удаа дараах шаардлага хангагдаж байгаа эсэхэд хяналт шалгалт хийж, илэрсэн дутагдлыг залруулахад шаардлагатай арга хэмжээг төлөвлөн нисэх буудлын даргад танилцуулж шийдвэрлүүлнэ.

- Ажлын нөхцөл, мэргэжлийн онцлогт тохирсон хөдөлмөр хамгааллын хувцас, хамгаалах хэрэгслийг ажилтанд олгох, норм, чанар, зохистой хэрэглээнд хяналт тавих;
- Нисэх буудлын байгууламжид хууль, дүрэмд заасан стандартын дагуу галын аюулгүй байдлаас урьдчилан сэргийлэх;

2.3.6. Хөдөлмөрийн аюулгүй байдал, эрүүл ахуйн тухай хууль болон холбогдох стандарт, дүрэм, журмыг зөрчсөн албан тушаалтан, ажилтанд хариуцлага хүлээлгэх саналаа нисэх буудлын даргад гаргаж болох ба тухай бүр залруулах арга хэмжээ авч ажиллах;

5.

2.3.7. Нисэх буудлын дарга нь Хөдөлмөрийн аюулгүй байдал, эрүүл ахуйн тухай хуулийн 28.1-д заасан үүргийг хэрэгжүүлэн ажиллах ба хэрэгжүүлэхдээ ХАБЭА-н ажилтнаар гүйцэтгүүлж болох бөгөөд зөрчил, дутагдал гарсан тохиолдолд дарга хариуцлагаас чөлөөлөгдөх үндэслэл болохгүй.

2.3.8. Өдөр тутмын зааварчилгааны явц, хэрэгжилтэд хяналт тавих;

2.3.9. ХАБЭА-ын гурван шатны хяналт хийх, түүний хэрэгжилт, дэвтрийн хөтлөлтөд байнгын хяналт тавих;

2.3.10. Хөдөлмөрийн аюулгүй байдал, эрүүл ахуйн нөхцөлийг хангах арга хэмжээ, түүнд шаардагдах хөрөнгийг жил бүрийн төсөв, төлөвлөгөөнд тусгуулах;

## ГУРАВ. БУСАД

3.1. Аюулгүй ажиллагаа, дотоод хяналтын багийн гишүүн 3 сарын чөлөө авсан болон Хөдөлмөрийн тухай хуулийн 39, 40 дүгээр зүйлд заасны дагуу ажлаас чөлөөлөгдсөн тохиолдолд Иргэний нисэхийн үндэсний төвийн даргатай зөвшилцсөний үндсэн дээр нисэх буудлын даргын тушаалаар тухайн чиг үүргийн дагуу мэргэшсэн ажилтныг багт томилон ажиллуулна.

3.2. Багт томилогдон ажиллах хугацаанд Иргэний нисэхийн үндэсний төвийн даргын тушаалаар зөвшөөрөгдсөн ажил хавсран гүйцэтгэсний нэмэгдэл хөлсийг олгоно.

-оОо-